

樓盤版《半澤》馬鞍山上演

日劇《半澤直樹》在日本破盡收視紀錄，緊扣觀眾心弦；港視由被拒發牌，至買入流動網絡登陸電視市場，同樣牽動港人情緒。

上次港視藝員在政總上演一齣真人版「半澤直樹」，更是拳拳到肉，風靡萬千網民。有發展商食住這熱潮，找來上次港視《半澤》班底，上演「馬鞍山新盤版」《半澤直樹》，為樓盤造勢。

林達民：代理「易啲入腦」

邊個地產商咁有諗頭？咪係四叔的恒基地產囉，佢旗下的馬鞍山落禾沙迎海·星灣將於下周推售，恒基昨日請來港視藝員艾威、郭鋒及陸駿光等到場，分飾劇中人物半澤直樹及大和田曉等，故事背景當然是圍繞該新盤盡情發揮啦，台詞全部緊扣樓盤資料及會所設施，都幾精警。

恒基營業（一）部總經理林達民話，今次採用創新宣傳手法，希望令代理「易啲入腦」，有助促銷。計盧駿話，如果可以好似「半澤」咁，做到「十倍奉還」就最好啦！

話時話，港視翻生，令原本打算移民台灣的艾威，同諗住轉行的陸駿光都可以歸位，現在仲有樓盤促銷Project找上門，你話人生幾精采呢！盧俊